

- podizanja višegodišnjih nasada na neobraslom šumskom zemljištu ukoliko se time ne narušavaju funkcije šume,
- uzgoja divljači.

Ministarstvo privrede Kantona Sarajevo (u daljem tekstu: Ministarstvo) može pojedina šumska zemljišta ugovorom dati u zakup uz prethodno pribavljeno mišljenje općine na čijem se području nalazi šumsko zemljište.

Prije sklapanja ugovora o zakupu šumskog zemljišta potrebno je pribaviti mišljenje Pravobranilaštva Kantona Sarajevo.

III

Na šumskom zemljištu može se uspostaviti pravo služnosti u slijedećim slučajevima:

- u svrhu izgradnje vodovoda,
- u svrhu izgradnje kanalizacione mreže,
- u svrhu izgradnje plinovoda,
- u svrhu izgradnje elektro vodova,
- služnosti puta,
- za druge namjene ako je proglašen javni interes u skladu sa odredbama Zakona o eksproprijaciji ("Službene novine Federacije BiH", br. 70/07, 36/10 i 25/12).

IV

Zakupnina i naknada po osnovu uspostave prava služnosti plaća se na godišnjem nivou i to unaprijed u roku od trideset (30) dana od dana potpisivanja ugovora, odnosno trideset (30) dana od početka kalendarske godine za tekuću godinu.

V

Visina zakupnine za šumsko zemljište u državnom vlasništvu koje se daje u zakup iz tačke II. podtačka 1. ove Odluke određuje se u iznosu od 1 KM/m² mjesečno.

Visina zakupnine za šumsko zemljište u državnom vlasništvu koje se daje u zakup iz tačke II. podtačka 2. ove Odluke određuje se u iznosu od 3,00 KM/m² mjesečno.

Visina zakupnine za šumsko zemljište u državnom vlasništvu koje se daje u zakup iz tačke 2. podtačke 3. i 4. ove Odluke određuje se u iznosu od 0,005 KM/m² godišnje.

VI

Visina naknade za zasnivanje prava služnosti određuje se u slijedećim iznosima:

- za vodovod, plinovod, kanalizacionu mrežu i elektro vodove niskonaponske mreže u visini 0,005 KM/m² površine zemljišta koje se opterećuje godišnje,
- za elektro vodove visokonaponske mreže u visini 0,003 KM/m² površine zemljišta koje se opterećuje godišnje,
- u drugim slučajevima prema vrsti prava na osnovu prijedloga stručne komisije koju imenuje Ministarstvo, u visini od 0,2 KM/m² do 0,5 KM/m² površine zemljišta koje se opterećuje godišnje.

Jedinica lokalne samouprave oslobođena je plaćanja naknade u postupku uspostave prava služnosti za objekte komunalne i prometne infrastrukture čiji je ona investitor.

VII

Nadzor nad provođenjem ugovora o zakupu i ugovora o uspostavi prava služnosti provodi Ministarstvo.

VIII

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-1350-5/14
21. januara 2014. godine
Sarajevo

Premijer
Suad Zeljković, s. r.

Na osnovu čl. 22. i 24. stav 2. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst i 38/13), člana 8. Odluke o utvrđivanju postupka imenovanja članova Upravnog odbora Univerziteta u Sarajevu koje imenuje Vlada Kantona, početak i način rada, prava i obaveze, postupak razrješenja i druga pitanja bitna za zakonit rad i efikasno funkcioniranje Upravnog odbora Univerziteta u Sarajevu, broj 02-05-18444-28/13 od 27.06.2013. godine, i tačke III Odluke Vlade Kantona Sarajevo, broj 02-05-20122-9/13 od 24.07.2013. godine, Vlada Kantona Sarajevo, na 52. sjednici održanoj 21.01.2014. godine, donijela je

ODLUKU

O UTVRĐIVANJU POJEDINAČNIH IZNOSA MJESEČNE NAKNADE ZA OBAVLJANJE DUŽNOSTI PREDSJEDNIKA I ČLANA UPRAVNOG ODBORA UNIVERZITETA U SARAJEVU

I

Ovom Odlukom utvrđuje se visina pojedinačne mjesečne naknade za rad predsjednika i člana Upravnog odbora Univerziteta u Sarajevu i to u iznosu 50% prosječne neto plaće isplaćene u Kantonu Sarajevo uzimajući u obzir zvanične posljednje objavljene podatke Zavoda za statistiku Federacije Bosne i Hercegovine.

II

Naknada iz tačke I ove Odluke predsjedniku i članovima Upravnog odbora Univerziteta u Sarajevu isplaćivat će se mjesečno iz sredstava Budžeta Kantona Sarajevo.

III

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-1350-6/14
21. januara 2014. godine
Sarajevo

Premijer
Suad Zeljković, s. r.

Na osnovu čl. 22. i 24. stav 3. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst i 38/13), člana 25. i 26. Zakona o ustanovama ("Službeni list RBiH", broj 6/92, 8/93 i 13/94), te člana 40d. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo ("Službene novine Kantona Sarajevo", broj 04/04, 29/09 i 18/13), Vlada Kantona Sarajevo, na 52. sjednici održanoj 21.01.2014. godine, donijela je

RJEŠENJE

O RAZRJEŠENJU ČLANA UPRAVNOG ODBORA JU "SLUŽBA ZA ZAPOSŁJAVANJE KANTONA SARAJEVO" SARAJEVO

I

Anera Kestendžić razrješava se dužnosti člana Upravnog odbora JU "Služba za zapošljavanje Kantona Sarajevo" Sarajevo, zbog prestanka ispunjavanja uslova za članstvo u Upravnom odboru JU "Služba za zapošljavanje Kantona Sarajevo" Sarajevo, odnosno zbog prestanka radnog odnosa u istoj ustanovi.

II

Ovo Rješenje stupa na snagu danom donošenja i objavit će se u "Službenim novinama Kantona Sarajevo".

Broj 02-05-1350-12.1/14
21. januara 2014. godine
Sarajevo

Premijer
Suad Zeljković, s. r.